

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 106. sjednici, održanoj dana 15.08.2017. godine, d o n o s i

ZAKLJUČAK

I.

Prihvata se mišljenje Ministarstva za rad, socijalnu politiku i izbjeglice po Inicijativi Udruženja građana civilnih žrtava rata Općine Maglaj, za izmjene Zakona o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“, broj: 36/99, 54/04, 39/06 i 14/09).

II.

Zaključak sa mišljenjem Ministarstva za rad, socijalnu politiku i izbjeglice iz tačke I. upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/17.
Datum, 15.08.2017. godine
Z e n i c a

P R E M I J E R

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,
1x Stručna služba Skupštine,
1x a/a.

Bosna i Hercegovina
Federacija Bosne i Hercegovine
ZENIČKO - DOBOJSKI KANTON
MINISTARSTVO ZA RAD,
SOCIJALNU POLITIKU I
IZBJEGLICE



Bosnia and Herzegovina
Federation of Bosnia and Herzegovina
ZENICA - DOBOJ CANTON
MINISTRY OF LABOR, SOCIAL
AFFAIRS,
THE DISPLACED & REFUGES

ZENIČKO-DOBOJSKI KANTON
V L A D A
n/r Premijera
n/r Sekretara

Broj: 09-14-215-66/2017
Zenica, 27.07.2017. godine

PREDMET: Mišljenje na Inicijativu Udruženja građana civilnih žrtava rata Općine Maglaj za izmjene Zakona o osnovama socijalne zaštite, zaštite civilnih žrtava rata i zaštite porodice sa djecom, d o s t a v l j a s e

Ministarstvu za rad, socijalnu politiku i izbjeglice od strane Stručne službe Vlade Zeničko-dobojskog kantona uz akt broj: 02-1-02-732-3/15 od 03.02.2015. godine dostavljena je Inicijativa Udruženja građana civilnih žrtava rata Općine Maglaj, za izmjene Zakona o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“, broj: 36/99, 54/04, 39/06 i 14/09), broj: 07-02/2015 od 08.01.2015. godine. Inicijativom se traži da se civilne žrtve rata kao kategorija izdvoje iz postojećeg federalnog zakona i njihov status reguliše izvan istog u posebnom zakonu. Ministarstvo je dalo mišljenje o navedenoj Inicijativi, koje je prihvaćeno Zaključkom Vlade, broj: 02-02-3876/15 od 17.02.2015. godine, ali s obzirom da je isto uvršteno i u Program rada Vlade i Skupštine Zeničko-dobojskog kantona i za 2017. godinu, to Ministarstvo nakon ponovnog razmatranja dostavljene Inicijative, daje sljedeće:

M i š l j e n j e

Ministarstvo za rad, socijalnu politiku i izbjeglice Zeničko-dobojskog kantona načelno podržava Inicijativu Udruženja građana civilnih žrtava rata Općine Maglaj za izmjene Zakona o osnovama socijalne zaštite, zaštite civilnih žrtava rata i zaštite porodice sa


djecom („Službene novine Federacije BiH“, broj: 36/99, 54/04, 39/06 i 14/09), slijedom kojim bi se status civilnih žrtava rata, trebao normativno urediti posebnim federalnim zakonom, kako bi se u okviru reforme u oblasti socijalne zaštite na federalnom nivou poboljšao njihov status.

Iako Inicijativa ne sadrži konkretan prijedlog zakonskog uređivanja predmetnog pitanja, ipak smo mišljenja da predložena Inicijativa može doprinijeti bržoj izmjeni postojećeg zakona i reformi propisa iz ove oblasti.

Dostavljeno:

1x Naslovu

1x a/a



MINISTAR

Nurdehan Šahinović

UDRUŽENJE GRAĐANA
CIVILNIH ŽRTAVA RATA
OPĆINE MAGLAIJ

Broj:07-02/2015

Datum:08.01.2015.godine

n/r presjedavajuće Skupštine ZE-DO Kantona

04-01/12.01.15. 180

SKUPŠTINA ŽENIČKO - DOBROVAJSKI KANTONA			
Primljeno: 12.01.2015.			
Org. jed.	Dioj	Prilozi	Stranica
01-	02-	732	1/15

PREDMET: Poštivanje zakonskih odredbi i statusa civilnih žrtava rata, traži se:-

Poštovana gospodo

Sagledavajući kompletno stanje u oblasti socijalne politike a naročito poštivanja zakonskih odredbi i statusa civilnih žrtava rata u ZE-DO kantonu, i odnos svih nivoa vlasti prema ovoj populaciji u dosadašnjem periodu, kao i silnih pritisaka, zahtjeva i molbi CŽR iz svih općina kantona, ponukalo nas je da vam se obratimo u cilju sagledavanja i rješavanja istih:

1. Zakonska regulativa u ovoj oblasti u potpunosti treba da se mijenja i usklađuje sa zakonskom regulativom EU i zemalja u okruženju, jer CŽR nisu **SOCIJALNA VEĆ RATNA KATEGORIJA**. (pogledajte zakon u R. Hrvatskoj) a vi kao zakonodavno tijelo možete pokrenuti izmjene ovog zakona, jer želimo da se izjednačimo sa boračkom populacijom u svim pravima.
2. I iz sadašnjeg zakona koji je na snazi nisu urađena podzakonska akta a naročito iz oblasti zapošljavanja, stambenog zbrinjavanja, profesionalne rehabilitacije, i nabavka ortopedskih pomagala i dr
3. Pitanje Budžeta ZE-DO kantona, svake godine se uvrštavaju samo invalidnine i to 30%, a gdje su ostali troškovi kada su u pitanju CŽR. Nikada nas niko nije ni konsultovao kada je u pitanju ova oblast, mislimo da ovako više nemože da se radi, i mi se u ovom dijelu moramo aktivno uključiti.
4. Planiraju se sredstva u Budžetu 30% za isplatu invalidnina, vidite koliko do sada nije isplaćeno samo u 2014. godini, moramo da vam kažemo da ovo više nemožemo tolerisati jer 70% ove populacije živi na rubu egzistencije. Jeli se vama desilo da vam kasne zakonom utvrđeni novčani iznosi, pa se vi sada stavite u položaj ovih ljudi koji su vas birali i koji traže od vas da se ispoštuju zakonske regulative isto kao i prema vama.

5. Zašto nas niko ne konsultuje kada je u pitanju izbor ministra za rad i socijalnu politiku, pa valjda smo mi istinski partneri u rješavanju pitanja u ovoj oblasti, a ne neko koga se ništa ne pita niti se ko interesuje da poboljša situaciju u ovoj oblasti naročito kada su u pitanju civilne žrtve rata kojih u našem Kantonu ima oko 3.000 hiljade.
6. Mislim da će te svatiti sve ovo što smo naveli i da ćemo zajedno pristupiti rješavanje određenih problema koji su se zbog nebrige zakonodavne i izvršne vlasti u prošlosti nagomilali, i doveli ovu populaciju u vrlo teško stanje.
7. Nemojte dozvoliti da ovo ostane samo prazna priča, jer će mo se mi organizovati i demokratskim sredstvima ljudski, i na dostojanstven način rješavati sve što smo naveli. Dignitet ove populacije, zbog nečije nebrige i nerada dovedeno na vrlo nizak nivo, što mi sigurni budite nećemo više tolerisati.

S poštovanjem!

PRILOG: Inicijativa za izmjene zakona o CŽR-a.

MM/BJ

Radeno u 2 primjerka i
DOSTAVLJENO:

1x Naslovu

1x arhiva



PREDSJEDNIK UPRAVNOG ODBORA:

M. Rale Malkić

BiH. Udruženje civilnih žrtava rata bh
Tel./fax: 032 - 606 - 640 e mail: udruzenjezrtvaurata@bih.net.ba

**UDRUŽENJE GRAĐANA
CIVILNIH ŽRTAVA RATA
OPĆINE MAGLAJ**

12-01-2015

01-02-432-1/15

Broj: 08-02 / 2015. godine

Datum: 08.01.2015. godine

SKUPŠTINA ZE-DO KANTONA

PREDMET: Inicijativa za izmjene zakona o CŽR-a, dostavlja se -

Poštovani,

molimo Vas da našu inicijativu razmotrite predložite za dnevni red Predstavničkog doma parlamenta FBiH s ciljem upućivanja u dalju proceduru. PD Parlament FBiH te usklađivanje istog sa ustavom BiH, FBiH i drugim pozitivnim zakonskim propisima i Konvencijama i deklaracijama.

INCIJATIVA: Izmjena Zakona o CŽR-a

PODNOŠILAC INICIJATIVE:

UG CŽR-a općine Maglaj.

OBRAZLOŽENJE:

1. Zakon o CŽR-a se za sada nalazi u Zakonu o socijalnoj zaštiti, zaštiti CŽR-a i zaštiti porodice sa djecom, a mi tražimo što je regulisano i Ženevskom konvencijom i drugim konvencijama EU i UN da se ova kategorija izdvoji iz socijale i tretira u posebnom zakonu zajedno sa ratnim vojnim invalidima što su uradile po zakonu i nama susjedne zemlje jer ova je populacija proistekla iz ratnih dejstava.

„ZAKON O ZAŠTITI VOJNIH I CIVILNIH INVALIDA RATA“—
regulisano u R.Hrvatskoj.

„Narodne novine“ broj: 33/92, 57/92-uredba o dopunama zakona o zaštiti vojnih i civilnih invalida rata 77/92, 58/93, 2/94, 76/94, 108/95, i 108/96,

2. Nepostoje dovoljno jasni podzakonski akti posebno vezano za poglavlje III zakona koje uređuje prava i status CŽR-a FBiH

- Tekst određenih normi je nejasan i veoma konfuzan. Ovakav normativni koncept zasnovan na grupisanju različitih prava i različitih socijalnih kategorija u jednom zakonskom tekstu u značajnoj mjeri otežava pristup pravima CŽR-a.

3. Navedeni zakon nije usklađen sa univerzalnom deklaracijom o ljudskim pravima UN (član 13. stav 1 i 2) i Konvenciji o zaštiti ljudskih prava i temeljnih sloboda Vijeća Evrope, te nizu drugih međunarodnih dokumenata za zaštitu ljudskih prava.

Različito pristupanje prema RVI i CŽR-a unutar FBiH u svojim zaključcima i zapažanjima iz 2010. godine, a na osnovu izvještaja koje podnose države i Članice u skladu sa članom 19. Konvencije protiv torture UN-a. Komitet protiv torture UN u tački 18. preporučuje vlastima BiH da usvoji naert Zakona o pravima žrtava mučenja i CŽR-a, i to bez daljeg odlaganja s ciljem potpune zaštite prava žrtava.

uključujući osiguranje odštete i što je moguće potpunije rehabilitacije sa ciljem postizanja psihičkog i fizičkog popravka i njihove socijalne reintegracije. Preporuka Komiteta UN o socijalnim i kulturnim pravima, iz 2006. godine da se izjednače prava CŽR-a i RVI. Komitet za ljudska prava UN-a je 2006. godine izrazio zabrinutost zbog različitih primanja RVI i CŽR-a i preporučio je da se ona izjednače, što još nije urađeno, a već je 2015. godina.

4. Takođe prava CŽR-a po kantonima nisu ujednačena i mi tražimo da to bude jednobrazno u čitavoj FBiH.
5. U novom zakonu tražimo da se isplata invalidnina vrši sa nivoa Federacije a ne kao sada 30% Kanton 70% Federacija
6. Da ovu populaciju u novom Zakonu Vodi ministarstvo za pitanje boraca sa odjelom za CŽR-a jer ova populacija je ratna kategorija, po svim strategijama oružane borbe - odnosno oružanog sukoba, a ako hoćete i oružanog otpora.
7. Da novi Zakon o CŽR-a sadrži sljedeće elemente:

1. Opšte odredbe
2. Osobe obuhvaćene zaštitom
3. Prava po osnovi oštećenja organizma
4. Prava po osnovi gubitka člana obitelji
5. Prava po osnovi materijalnih i drugih potreba korisnika
6. Posebne odredbe
7. Korištenje pravom i prestanak prava
8. Postupak za ostvarivanje prava
9. Prekršajne odredbe
10. Prijelazne i završne odredbe

8. Da se u izradu Zakona o CŽR-a uključi i ova populacija od Federalnog do općinskog nivoa, a ne kao što je dosad rađeno da isto radi samo jedna grupa ljudi, ili da se poslije izrade organizuje javna rasprava po istom.
9. Naše je mišljenje da vi kao najviše zakonodavno tijelo u Kantonu možete predložiti parlamentu FBiH donošenje zakona o CŽR.

S poštovanjem!

MM/BJ

Radeno u 2 primjerka i

DOSTAVLJENO

1x Skupština ZE-DO Kantona
1x a/a.

PREDLAGAČI INICIATIVE:

UD CŽR-a Maglaj
PREDSJEDNIK UO
Miralem Malkić

Miralem Malkić